

Ո

ՈՆՈՓՐԻՈՍ ՎՐԴ. ԼԵՀԱՅԻ.— Յետոյ եպս. Մբ. 1651ին Փիլիպպոս կթղին կողմէն Ս. Յակոբի վանքին մէջ գումարուած ժողովին ներկայ կ'ըլլայ Ս. Յակոբի Միաբանութեան անունով (Ազգայն. էջ 2457): ՄՁ. Թ. 1418 ձեռագրին յուշագրութեան համաձայն կը կարծուի որ 1644ին Ոնոփրիոս վրդ. ուխտաւորութեամբ Ս. Յակոբի վանքը այցելած և միաբան եղած ըլլայ նոյն ժամանակ: Իր նուէրի մասին տեսնել (ՄՁ. Թ. 532): Ոնոփրիոս վրդ. նուիրակութեան պաշտօն ալ կատարած է (ՄՁ. Թ. 228):

ՈՍԿԻԱՆ (Մհս.) ԲԱՂԻՇԵՑԻ.— 1660ին ուխտաւորութեամբ կ'այցելէ Ս. Յակոբի վանքը. կը նուիրէ ձեռագիր Աւետարան մը, որուն յիշատակարանէն կը քաղենք հետեւեալը «... Գարձեալ Ած. ողորմի ասացէք մահտեսի Բաղիշեցի Ոսկիանին և իւր հօրն տէր Մարգարին և իւր մօրն Շահպաղին և եղբարցն և քուերցն և ամենայն արեան մերձաւորացն, որ ստացաւ զսա (Աւետարան) ի հալալ վաստակոց իւրոց և ետ զսա յիշատակ անջինջ ի դուռն Ս. Յակոբայ Գլխաղրի դամբարանին, ի թվ. հայկազեան տուժարին ՌՃ և Թ (=1660)ին...»: (Խապ. Յուգ. տետր. է. էջ 493):

